



N 01-14/575

07.11.2024թ.

Ո Ր Ո Շ ՈՒ Մ

«Ա. Ի. ԱԼԻԽԱՆՅԱՆԻ ԱՆՎԱՆ ԱԶԳԱՅԻՆ ԳԻՏԱԿԱՆ ԼԱԲՈՐԱՏՈՐԻԱ» ՀԻՄՆԱԴՐԱՄԻ ՏՆՕՐԵՆԻ

ՄԱՍՆԱԿՑԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ
ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

«Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասով սահմանված պահանջների համաձայն, ուսումնասիրելով ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի (այսուհետ՝ Ընթացակարգ) շրջանակներում առկա «Ֆռանկո Սուջի» ՍՊԸ-ին (այսուհետ՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով ներկայացված հիմքերը, պարզեցի հետևյալը.

1. Գնման ընթացակարգի շրջանակներում Պատվիրատուի ղեկավարին ներկայացրած փաստերը և պահանջը.

Գնահատող հանձնաժողովի նախագահը Պատվիրատուի ղեկավարին ուղղված զեկուցագրով հայտնել է հետևյալը.

«Ա. Ի. Ալիխանյանի անվան ազգային գիտական լաբորատորիա» հիմնադրամի /այսուհետ նաև՝ հիմնադրամ/ կարիքների համար 2024 թվականի սեպտեմբերի 25-ին հայտարարված համակարգչային սարքավորումների և օժանդակ սարքերի ձեռքբերման ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի (այսուհետ՝ Ընթացակարգ) արդյունքում՝ 5-րդ չափաբաժնի մասով առաջին տեղ զբաղեցրած մասնակցի՝ «Ֆռանկո Սուջի» ՍՊԸ-ի (ՀՎՀՀ 05563416, էլեկտրոնային փոստի հասցե՝ sujyanhamlet@gmail.com, հեռախոսահամար՝ +37493044858) կողմից ներկայացրած հայտի գնահատման արդյունքում արձանագրվել են Ընթացակարգի հրավերի պահանջների նկատմամբ անհամապատասխանություններ՝

• Ներկայացված հայտում բացակայում է իրական շահառուների վերաբերյալ տեղեկատվությունը՝ ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի հրավերի համաձայն ՀՀ ռեգիդենտ հանդիսացող մասնակիցները պետք է ներկայացնեն իրական շահառուների վերաբերյալ տեղեկատվություն պարունակող կայքէջի հղում՝ համաձայն Ընթացակարգի հրավերի հավելված 1.3-ի:

- ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի հրավերի 2-րդ մասի 2.1 կետի համաձայն ՀՀ ռեզիդենտ հանդիսացող մասնակիցը դիմում-հայտարարությունը հաստատում է էլեկտրոնային թվային ստորագրությամբ, որի հավաստագիրը պետք է զետեղված լինի «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, սակայն «Ֆռանկո Սուջի» ՍՊԸ-ի կողմից ներկայացված դիմում-հայտարարությունը հաստատված չէ էլեկտրոնային թվային ստորագրությամբ:

- ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի հրավերի համաձայն մասնակիցը պետք է ներկայացնի հրավերով սահմանված պահանջներին բավարարող իր կողմից առաջարկվող ապրանքի ամբողջական նկարագիրը՝ տեխնիկական բնութագրերը, ինչպես նաև առաջարկվող ապրանքի մոդելը և արտադրողի անվանումը, սակայն «Ֆռանկո Սուջի» ՍՊԸ-ի կողմից համակարգի միջոցով հրավերի պահանջներին համապատասխանող պահանջվող տեղեկատվությունները ներկայացված չեն:

- «Ֆռանկո Սուջի» ՍՊԸ-ի կողմից ներկայացված հայտում ներառված փաստաթղթերում և տեղեկատվություններում մասնակցի անվանումը թերի է լրացված՝ մասնավորապես լրացված չէ մասնակցի իրավաբանական կարգավիճակը:

Ընթացակարգի հրավերի 1-ին մասի 8-րդ բաժնի 11-րդ կետի համաձայն «Ֆռանկո Սուջի» ՍՊԸ-ին համակարգի միջոցով ներկայացվել է ծանուցում՝ առաջարկելով սահմանված կարգով շտկել արձանագրված անհամապատասխանությունները, սակայն շտկման համար նախատեսված ժամկետի ավարտից հետո ներկայացված փաստաթղթերի և տեղեկատվությունների գնահատման արդյունքում արձանագրվել է որ «Ֆռանկո Սուջի» ՍՊԸ-ի հայտում ներառված ընթացակարգին մասնակցելու դիմումում և համակարգի միջոցով ներկայացված առաջարկվող ապրանքի ամբողջական նկարագրում մասնակցի անվանումը չի շտկվել՝ թերի է լրացված, լրացված չէ մասնակցի իրավաբանական կարգավիճակը: Միաժամանակ մասնակցի կողմից առաջարկվող ապրանքի ամբողջական նկարագիրը՝ 5-րդ չափաբաժնի մասով, չի համապատասխանում հրավերով սահմանված պահանջներին՝ մասնավորապես հրավերով անխափան սնուցման սարքի միացումների մասով պահանջվել էր 4 մուտքեր, սակայն առաջարկվող Maverick 1050VA մակնիշի անխափան սնուցման սարքի մուտքերը թվով 2 հատ են:

Վերոգրյալով պայմանավորված սույն թվականի հոկտեմբերի 28-ին ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի գնահատող հանձնաժողովի կողմից «Ֆռանկո Սուջի» ՍՊԸ-ի հայտը գնահատվել է անբավարար և մերժվել,

իսկ ԱԱԳԼ-ԷԱՃԱՊՁԲ-24/57 ծածկագրով գնման ընթացակարգը 5-րդ չափաբաժնի մասով հայտարարվել է չկայացած:

Հիմք ընդունելով «Գնումների մասին» ՀՀ օրենքի 6-րդ հոդվածի 1-ին և 2-րդ մասերով սահմանված պահանջները, առաջարկում ենք «Ֆոանկո Սուջի» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել որոշում և հիշյալ որոշումը գրավոր ուղարկել ՀՀ ֆինանսների նախարարություն:

2. Գործի քննության համար էական նշանակություն ունեցող փաստերը.

Ընթացակարգի քննության համար էական նշանակություն ունեն հետևյալ փաստերը.

1. Հիմնադրամի կարիքների համար 25.09.2024թ-ին հայտարարված Ընթացակարգի արդյունքում՝ 5-րդ չափաբաժնի մասով առաջին տեղ զբաղեցրած մասնակցի կողմից ներկայացված հայտի գնահատման արդյունքում արձանագրվել են Ընթացակարգի հրավերի պահանջների նկատմամբ անհամապատասխանություններ և Ընթացակարգի հրավերի 1-ին մասի 8-րդ բաժնի 11-րդ կետի համաձայն «Ֆոանկո Սուջի» ՍՊԸ-ին համակարգի միջոցով ներկայացվել է ծանուցում՝ առաջարկելով սահմանված կարգով շտկել արձանագրված անհամապատասխանությունները, սակայն շտկման համար նախատեսված ժամկետի ավարտից հետո ներկայացված փաստաթղթերի և տեղեկատվությունների գնահատման արդյունքում արձանագրվել է որ «Ֆոանկո Սուջի» ՍՊԸ-ի կողմից պատշաճ կերպով չեն իրականացվել շտկման ենթակա փաստաթղթերի շտկում:

2. 28.10.2024թ-ին ԱԱԳԼ-ԷԱՃԱՊՁԲ-24/57 ծածկագրով գնման ընթացակարգի գնահատող հանձնաժողովի կողմից «Ֆոանկո Սուջի» ՍՊԸ-ի հայտը գնահատվել է անբավարար և մերժվել, իսկ ԱԱԳԼ-ԷԱՃԱՊՁԲ-24/57 ծածկագրով գնման ընթացակարգը 5-րդ չափաբաժնի մասով հայտարարվել է չկայացած:

3. Պատվիրատուի ղեկավարի հիմնավորումները և եզրահանգումը.

Հիմնադրամի տնօրեն Գ. Քաոյանս (այսուհետ՝ Պատվիրատուի ղեկավար), ուսումնասիրելով ընթացակարգի շրջանակներում առկա փաստաթղթերը, հայտնում են հետևյալը.

Օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը,

բ. որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Օրենքի 6-րդ հոդվածի 2-րդ մասի համաձայն Գնումների գործընթացին մասնակցելու իրավունք չունեցող մասնակիցների ցուցակը, այդ թվում՝ ուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն տրամադրվում է լիազորված մարմին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Հայաստանի Հանրապետության կառավարության 2017 թվականի մայիսի 04-ի N 526-Ն որոշման 1-ին կետով հաստատված կարգի (այսուհետ՝ կարգ) 32-րդ կետի 19-րդ ենթակետի համաձայն՝ եթե մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման կամ պայմանագրի ապահովումը կամ համաձայնագիրը կնքելու նպատակով

պայմանագիրը կնքած անձը չի փոխարինում տուժանքի ձևով ներկայացված որակավորման կամ պայմանագրի ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում.

Գնումների պաշտոնական տեղեկագրում հրապարակված՝ պատվիրատուների կողմից տրված հարցադրումների վերաբերյալ ՀՀ Ֆինանսների նախարարության կողմից ներկայացված պարզաբանումների 26-րդ կետի համաձայն եթե մասնակցին սահմանված կարգով տրվում է հայտը շտկելու հնարավորություն և արձանագրված անհամապատասխանությունները վերջինիս կողմից չշտկելու և/կամ շտկման արդյունքում ևս անհամապատասխանություն արձանագրվելու պարագայում մասնակցի հայտը մերժվում է, և այդ հանգամանքը կարգի 32-րդ կետի 19-րդ ենթակետի իմաստով որակվում է, որպես գնման գործընթացի շրջանակում ստանձնված պարտավորության խախտում, ինչի հետևանքով օրենքի 6-րդ հոդվածի 1-ին մասի 6-րդ կետի «ա» ենթակետով սահմանված հիմքով (այն է՝ խախտել է գնման գործընթացի շրջանակում ստանձնված պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով սահմանված ժամկետում չի վճարել հայտի ապահովման գումարը,) պատվիրատուի ղեկավարը կայացնում է այդ մասնակցին նշված ցուցակում ներառելու որոշում:

Այսպիսով՝

Ուսումնասիրելով ներկայացված հիմքերը, դրանք համադրելով առկա ապացույցների հետ՝ արձանագրում եմ, որ «Ֆռանկո Սուջի» ՍՊԸ-ը թույլ է տվել Օրենքի 6-րդ հոդվածի 1-ին մասի 6-րդ կետի «ա» ենթակետի խախտում, քանի որ խախտել է գնման գործընթացի շրջանակում ստանձնված պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:

Օրենքի 6-րդ հոդվածի 2-րդ մասի համաձայն ՀՀ Ֆինանսների նախարարությունը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում Պատվիրատուի ղեկավարի պատճառաբանված որոշման հիման վրա:

Օրենքի 6-րդ հոդվածի 2-րդ մասի համաձայն Մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով՝

Ո Ր Ո Շ Ե Ց Ի

1. Ներկայացրած հիմքերը՝ «Ֆոանկո Սուջի» ՍՊԸ-ին գնումների գործընթացին մասնակցելու իրավունք չունեցողների ցուցակում ներառելու համար, գնահատել բավարար:

2. «Ֆոանկո Սուջի» ՍՊԸ-ի ներքոնշյալ տվյալները համապատասխան հիմքերով գրավոր ուղարկել լիազորված մարմնին՝ ՀՀ ֆինանսների նախարարությանը, «Ֆոանկո Սուջի» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:

Մասնակցի						
Անվանում ը	ՀՎՀՀ/ֆիզ. անձի ղեկարգում հանրային ծառայության և համարանիշ ը	գործունեության և հասցեն	գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատու ի ղեկավարի կայացրած որոշման ամսաթիվը և գնման ընթացակարգ ի ծածկագիրը
			խախտել է գնման գործընթացի շրջանակում ստանձնած պարտավորություն ը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորություն ը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ զրկվել է պայմանագի ր կնքելու իրավունքից	
«Ֆոանկո Սուջի» ՍՊԸ	05563416	ք. Արթիկ	X			07.11.2024թ. ԱԱԳԼ- ԷԱՃԱՊՁԲ- 24/57

3. Սույն որոշումն ուժի մեջ է մտնում ստորագրման օրվան հաջորդող օրը:

ՏՆՕՐԵՆ՝



Գ. ՔԱՌՅԱՆ